



歷代帝王曆祚考卷之四

新安吳繼安康侯甫編輯

吳明春伯生甫攷正

孫用之爾行甫校閱

○大漢

始高祖乙未終獻帝建安二十五年庚子共
十八世二十四帝凡四百二十六年然建安
二十五年卽魏黃初元年

西漢

歷代通鑑輯覽 卷之四
始高祖乙未入關滅秦爲漢王已亥滅楚卽
帝位終淮陽王甲申十二帝并呂后孺子莽
玄共二百三十年光武中興

太祖高皇帝姓劉名邦字季沛豐人帝堯之裔
父太公兄仲始高祖起於泗上亭長乙未入
關滅秦卽漢王位五年已亥二月滅楚卽皇
帝位以火德王都長安在位八年共十二年
子八長齊悼惠王肥微時外婦所生次惠帝
淮南厲王長趙隱王如意文帝趙共王恢趙

幽王友燕靈王建女一魯元公主又尊父太
公爲太上皇封兄喜爲燕王喜子濞爲吳王
弟交爲楚王從弟賈爲荆王澤爲燕王禮謚
法無高以爲功最高而爲漢帝之太祖故特
起名焉葬長陵

孝惠皇帝名盈高帝次子丁未冬十月卽位恩
敬寬仁遭呂后虧損至德在位七年無子呂
后取他人子養之宮中立爲少帝及恒山王
弘淮南王濟川王皆非惠帝之後謚法柔質

歷代考 四卷
慈民曰惠葬安陵漢取孝子善繼志述事之
義故孝惠以下皆稱孝

高皇后呂氏名雉惠帝崩甲寅臨朝稱制內
行不正分王諸呂幾危劉氏在位八年婦人
居尊位自呂后始

太宗孝文皇帝名恒高帝第五子初封代王呂
后崩大臣誅諸呂迎入長安壬戌卽皇帝位
在位十六年又改元在位七年共二十三年
遺詔短喪薄葬子四景帝梁懷王揖梁孝王

武代孝王參女一館陶長公主嫫謚法慈惠
愛人曰文葬霸陵

孝景皇帝名啓文帝長子乙酉冬十月卽位七
年改中元九年又改後元三年共在位十六
年時吳王濞膠西王卬楚王戊趙王遂濟南
王辟光菑川王賢膠東王雄渠七國反遣大
將軍竇嬰太尉周亞夫討平之子十四河間
獻王德臨江哀王闈魯共王餘江都易王非
趙敬肅王彭祖長沙定王發膠西子王端中

山靖王勝臨江閔王榮初立為太子後以過
兒廢武帝廣川惠王越膠東康王寄清河哀
王乘常山憲王舜女三平陽公主南宮公主
隆慮公主謚法布義行剛曰景葬陽陵

世宗孝武皇帝名徹景帝第十子初封膠東王
七歲立為太子辛丑冬十月即位改元建元
改元稱號自此始共改元十一建元六元光
六元朔六元狩六元鼎六元封六太初四又
天漢四太始四征和四後元二在位五十四

年子六戾太子據齊懷王閔燕刺王旦廣陵
厲王胥昌邑哀王髡昭帝女三鄂邑蓋長公
主諸邑公主陽石公主謚法威彊睿德曰武
葬茂陵

孝昭皇帝名弗陵武帝第六子趙婕妤所生武
帝巡河間望氣者言此有奇女亟使召之至
女兩手皆拳上自披之手即時伸號拳夫人
得幸居鉤弋宮姪身十四月乃生上命其門
為堯母門後衛太子死昭帝方八歲立為太

子乙未卽位改元者三元始六元鳳六元平
一在位十三年無子謚法聖聞周達曰昭葬
平陵

中宗孝宣皇帝名詢初名病已武帝曾孫戾太
子孫也父史皇孫以巫蠱事與太子皆遇害
帝生數月亦收繫獄丙吉爲廷尉監憐而乳
養之後望氣者言獄中有天子氣武帝使人
欲盡殺獄中人吉拒之得免武帝崩後昌邑
王賀淫亂無道霍光廢之而立帝戊申卽位

改元者有七本始四地節四元康四神爵四

五鳳四甘露四黃龍一在位二十五年子五

元帝淮陽憲王欽楚孝王囂東平思王宇中
山哀王竟謚法聖善周聞曰宣葬杜陵

孝元皇帝名奭宣帝長子共哀后許氏微時所
生癸酉卽位改元者四初元五末光五建昭
五竟寧一在位十六年子三成帝定陶共王
康中山孝王興女二平都公主平陽公主謚
法行義悅民曰元葬渭陵

孝成皇帝名驚元帝長子己丑卽位改元者七
建始四河平四陽朔四鴻嘉四永始四元延
四綏和二在位二十六年委政王氏湛於酒
色溺愛趙后姐妹殺子以從其欲卒以暴崩
絕嗣謚法安民立政曰成葬延陵

孝哀皇帝名欣元帝庶孫定陶共王之子成帝
立以爲太子乙卯卽位追尊父定陶共王爲
恭皇尊嫡祖母王太后爲太皇太后居長信
宮祖母傅太后爲恭皇太后居永信宮母丁
姬爲恭皇后居中安宮改元者二建平四年
元壽二年共在位六年昵幸董賢痿痺無嗣
謚法恭仁短折曰哀葬義陵

孝平皇帝名衍元帝庶孫中山孝王興之子哀
帝崩無子迎立之辛酉卽位年九歲太皇太
后臨朝大司馬莽秉政改元元始在位五年
尊帝母衛姬爲中山王后莽以呂寬事誅滅
之又立其女爲帝后自封爲安漢公加九錫
帝寢壯莽恐因臘日上椒酒酖弑之謚法布

綱治紀曰平葬康陵

孺子名嬰宣帝玄孫楚王囂生廣威侯勛助生顯顯生嬰方二歲王莽立之丙寅卽位莽負辰以朝稱假皇帝改元居攝二年又改初始一年共三年莽遂卽真篡位廢嬰爲定安公置四壁中及長不識牛馬後莽誅平陵方望等立嬰更始遣李松擊殺之

新王莽元帝后王氏弟曼之子初封新都侯弒平帝廢孺子篡漢自立改國號曰新己巳

冬十二月卽皇帝位改元者三始建國五天鳳六地皇二共十四年行周官井田尊符命信讒諂漢兵四起攻入長安東海人公賓就斬莽首於漸臺衆共分而鬻之

淮陽王名玄字聖公高祖九世孫出自景帝第六子長沙定王發生春陵節侯買買生長子戴侯熊渠熊渠生利利生子張子張生玄平林諸將起兵利其暗懦立之癸未入長安誅莽卽位改元更始在位二年終

甲申爲赤眉賊所殺

東漢

始光武建武元年乙酉卽皇帝位終獻帝建安二十五年庚子十二帝凡一百九十六年爲魏所篡

世祖光武皇帝名秀字文叔高祖九世孫出自景帝第六子長沙定王發生春陵節侯買買生次子鬱林太守外外生鉅鹿都尉回回生南頓令欽欽生光武與兄續新地皇三年宛

人李通以圖讖說光武起兵於宛與新市平林兵合攻入長安誅王莽癸未更始立殺兄續乃拜光武爲蕭王經略河北削平諸盜乙酉春正月卽皇帝位漢室中興以火德王都洛陽建元建武三十一年改中元二年共在位三十三年子十一東海恭王疆初爲太子沛獻王輔楚王英明帝濟南安王康東平獻王蒼阜陵質王延廣陵思王荆臨淮懷公衡中山簡王焉琅琊孝王京女五武陰長公主

歷代通鑑輯覽 卷之四
八
涅陽公主館陶公主紅夫洧陽公主酈邑公主又追封其兄續為齊武王兄子興為北海王女弟為湖陽寧平公主謚法能紹前業曰光克定禍亂曰武葬原陵

顯宗孝明皇帝名莊光武第四子初封東海王十歲能通春秋戊午卽位改元永平在位十八年子九千乘哀王建陳敬王羨彭城靖王恭樂城靖王黨章帝下邳惠王衍梁節王暢淮陽頃王昞濟陰悼王長女十一獲嘉長公

主平陽公主奴隆慮公主迎平氏公主沁水公主平臯公主浚儀公主武安公主魯陽公主樂平公主成安公主謚法照臨四方曰明葬顯節陵

肅宗孝章皇帝名烜明帝第五子丙子八月卽位改元者三建初八元和三章和二在位十三年子八千乘貞王伉平春悼王全清河孝王主慶初為太子和帝濟北惠王壽河間孝王開城陽懷王淑廣宗殤王萬歲女三武德長

歷代通鑑輯覽 卷四
公主平邑公主陰安公主謚法溫克令儀曰
章葬敬陵

孝和皇帝名肇章帝第四子己丑卽位年十歲
竇太后臨朝改元者二末元十六元興一在
位十七年子二長平原懷王勝素被癘疾次
殤帝女四脩武長公主共邑公主臨賴公主
聞喜公主謚法不剛不柔曰和葬順陵

孝殤皇帝名隆和帝少子丙午卽位生纔百餘
日鄧太后臨朝改元延平在位八月崩謚法
短折不成曰殤葬康陵

孝安皇帝名祐章帝孫清河王慶之子鄧太后
迎立之丁未卽位年十三太后猶臨朝改元
者五末初七元初六末寧一建光一延光四
在位十九年車駕幸宛崩於乘輿子一順帝
謚法寬容和平曰安葬恭陵

北鄉侯名懿章帝孫濟北惠王壽之子閻后
與兄閻顯立之卽位二百七十二日崩
孝順皇帝名保安帝太子母李氏爲閻后所害

延光三年譖廢太子為濟陰王安帝崩不得
上殿臨梓宮悲號不食羣僚哀之及閹后所
立北鄉侯薨秘不發喪更欲徵諸王子乃閉
宮門屯兵自守中黃門孫程等十九人夜斬
京安等迎濟陰王立之斬閹顯遷太后丙寅
卽位改元者五末建六陽嘉四末和六漢安
二建康一在位十九年封孫程等十九人為
侯又聽以養子為後世襲漢中常侍之禍自
此始子一冲帝女三舞陽長公主冠軍長公

主汝陽長公主謚法慈和徧服曰順葬憲陵
孝冲皇帝名炳順帝太子建康元年八月卽位
年二歲梁太后臨朝乙酉改元末嘉正月崩
在位六月謚法幼少在位曰冲葬懷陵
孝質皇帝名纘章帝玄孫千乘貞王伉之後伉
生安樂夷王寵寵生渤海孝王鴻鴻生纘末
嘉元年正月冲帝崩梁太后與兄梁冀迎立
之八歲卽位太后臨朝明年丙戌改元本初
在位二年帝聰慧因朝會日梁冀為跋扈將

歷代考 八四卷
軍冀進毒於煇餅以進帝苦煩索水不得而崩謚法忠正無邪曰質葬靜陵

孝桓皇帝名志章帝曾孫祖父河間王開父蠡吾侯翼本初元年六月質帝崩后與冀迎帝立之十五歲卽位太后猶臨朝明年丁亥改元追尊祖爲孝穆皇父爲孝崇皇改元者七
建和三和平一元嘉二永興二永壽三延禧九永康一在位二十一年延禧二年太后崩誅梁冀永康元年十一月帝崩無子女三陽

安長公主潁陰長公主陽翟長公主謚法克敵服遠曰桓葬宣陵

孝靈皇帝名宏章帝玄孫曾祖河間孝王開祖解都亭侯淑父萇世襲桓帝無子太后與父竇武迎立之年十二歲戊申正月卽位追尊祖爲孝元皇父爲孝仁皇改元者四建寧四熹平六光和六中平六在位二十二年子二少帝獻帝女一萬年公主謚法亂而不損曰靈葬文陵

少帝名辯靈帝太子中平六年己巳四月靈
帝崩少帝年十七卽位改元光熹中常侍
張讓等殺大將軍何進袁術袁紹燒宮闕
誅讓等讓劫少帝陳留王走小平津讓等
投河死車駕還宮改元昭寧在位六月董
卓廢少帝爲弘農王

孝獻皇帝名協靈帝次子初封陳留王九歲董
卓立之己巳九月卽位改元末漢詔除光熹
昭寧末漢三號還復中平六年明年庚午爲

改元之次改元者三初平四興平二建安二
十五在位三十一年董卓遷都長安曹操遷
都許建安二十五年庚子九月爲曹丕所篡
封帝爲山陽公謚法聰明睿知曰獻蜀謚帝
曰愍葬禪陵漢亡

謹按漢自高祖乙未滅秦至元順帝至正
丁未共計一千五百七十三年

漢僭位改元諸人

劉盆子太山式人陽城景王二章之後祖父憲

歷代通鑑輯覽 卷八十四
為式侯父萌嗣位莽時國除長兄恭次兄
茂與盆子俱掠在赤眉軍中齊巫祠景王
狂言怒人為賊笑者輒病天鳳三年乃立
盆子為帝十五歲即位改元建世攻入長
安殺更始焚掠而東僭位一年至宜陽降
光武以為趙王即中後病失明賜滎陽地
稅食終身

王昌一名即趙國邯鄲人工星卜常云河北
有天子氣詐稱已乃成帝子真子興更始
元年趙國大豪李育劉林等信之聚眾入
邯鄲立即為天子移檄遠近莫不響應僭
位五月光武攻邯鄲即戰敗夜走光武使
人追斬之

李憲潁川許昌人莽時為廬江屬令莽敗據
郡自守更始元年自稱淮南王建武三年
自立為天子置公卿百官僭位六年光武
遣馬成擊斬之

劉永睢陽人梁孝王八世孫父立與平帝母

歷代通鑑輯覽 卷之四
衛氏交通爲莽所誅更始卽位未急走長
安紹封梁王據國起兵自稱天子專據東
方建武二年光武使蓋延攻之未敗走其
將慶吾斬未首降子紆復自爲梁王二年
紆復戰敗奔董憲憲敗紆爲軍士高扈斬
首降於光武

張步字文公琅琊不其人更始元年聚衆
數千攻下數城遂據本郡劉永拜爲輔漢
大將軍建武三年光武遣伏隆拜步東萊

太守劉永聞隆至先立步爲齊王步遂不
受命永死子紆立步乃立其將費邑爲濟
南王光武遣耿弇伐之斬費邑步急遂斬
蘇茂首降後復叛逃陳俊追擊斬之

董憲東海人更始元年起兵據郡劉永拜
爲翼漢大將軍三年又立爲海西王永死
光武伐之憲戰敗與龐萌走保胸夜奔吳
漢校尉追斬之於方與

龐萌山陽人初亡命在下江兵中更始立

歷代考 下四卷
為冀州牧後降光武為平狄將軍與蓋延擊董憲詔書獨下延而不及萌疑延譖已遂與憲連和自號東平王光武遣吳漢討之一年破之方與人黔陵斬萌首詣洛陽彭寵字伯通南陽宛人少為郡吏光武拜為漁陽太守建武三年負功失望與朱浮不相能遂據薊州反自稱為燕王僭位三年其奴子密縛寵令作記出城取馬六匹裝金玉衣物斬寵首來降封為不義侯

盧芳字君期安定三水人居左谷中王莽時詐自稱為武帝曾孫劉文伯與羌胡起兵更始徵為騎都尉使鎮撫安定以西更始敗自立為西平王與匈奴和親匈奴立為漢帝僭位十二年其將隨昱脅芳降芳遂奔入匈奴十八年復降封為代王歲餘有詔止其入朝復叛入匈奴中十餘年死隗囂字季孟天水成紀人更始時起兵立漢宗廟祀盟移檄改元漢復自號白虎將軍

安定隴西皆下之更始二年以為御史大夫更始敗欲殺之亡歸天水建武二年有功拜為西州大將軍上書詣闕遣子恂入侍僭位六年徵使討蜀囂持兩端光武討之遂降於公孫述封為寧朔王光武親征之凡三年囂憤恚而死諸將王元等立少子純為王明年來歙等尋攻降之

公孫述字子陽扶風茂陵人王莽時為導江卒正即蜀郡太守也更始立詐稱漢假已

輔漢將軍攻據成都二年自立為蜀王建武元年四月遂自立為天子號成家改元龍興盡有益州之地僭位十二年光武遣吳漢攻滅之

秦豐黎丘人更始時據黎丘自號楚黎王僭位三年光武遣岑彭攻破之奔蜀四年降斬之

延岑字叔牙南陽人始據漢中又擁兵關西所在破散走至南陽略有數縣與秦豐

合豐以女妻之豐敗降於述述以冬爲大
司馬封汝寧王述敗死冬降於吳漢漢族
滅之

田戎汝南人初起兵夷陵轉寇郡縣衆數
萬人秦豐亦以女妻之豐敗降於述述封
爲翼江王後述使將兵下江關戰敗走保
江州降於漢

袁術字公路司空逢子紹之從弟以俠氣聞
爲虎賁中郎將卓廢少帝術奔南陽遂據
其郡僭號稱仲家都壽春僭位二年糧盡
衆散敗奔於青州發病道死

○三國

蜀漢

始昭烈帝章武元年辛丑終後主炎興元年
癸未凡四十三年魏司馬昭滅之

昭烈皇帝姓劉名備字玄德涿郡人漢景帝子
中山靖王勝之後勝子貞坐酎金失侯因家
焉祖雄舉孝廉官至東郡范令父弘蚤死獨

與毋取屢織席為業不喜讀書好交結豪俠
黃巾賊起有功除安喜尉後為徐豫二州牧
二十四年即漢中王位庚子十月曹丕篡漢
明年辛丑昭烈乃即皇帝位號曰後漢承漢
火德以土德王都成都建元章武在位三年
癸卯夏四月崩於公安子三後主甘陵王求
安平王理謚法明德有勞曰昭有功安民曰
烈葬惠陵

後主名禪昭烈帝子章武三年癸卯夏五月即

位改元者有四建興十五延熙二十景耀五

炎興一在位四十一年未踰年而改元自後

主始子七太子璿安定王瑤西河王琮新平

王瓚北地王諶新興王詢上黨王璩四十一

年癸未冬十月魏鄧艾伐蜀自陰平入成都

後主使譙周奉表出降北地王自殺魏封後

主為安樂公太始七年薨於洛陽蜀漢亡

魏

始文帝黃初元年庚子篡漢即帝位終元帝

咸熙二年乙酉五主凡四十六年晉司馬炎滅之然咸熙二年卽晉太始元年

文皇帝姓曹名丕武帝太子沛國譙人漢相國參之後桓帝世曹騰爲中常侍封費亭侯養子嵩莫知生出本末或曰夏侯氏之子嵩生操小字阿瞞字孟德機警任俠才武絕人靈帝時爲典軍校尉卓亂起兵討卓後迎天子都許昌挾以令諸侯自爲大將軍進位丞相封魏公加九錫後又進爵爲王二十五年庚

子薨於洛陽年六十六歲葬高陵太子丕嗣魏王位改元延康冬十月遂受漢禪卽皇帝位建元黃初承漢火德以土德王都洛陽在位七年追尊父操爲太祖武皇帝兄弟二十四人俱封王任城威王彰陳思王植蕭懷王熊豐愍王昂相殤王鑠鄧哀王冲彭城王據燕王宇沛穆王林中山恭王袞濟陽懷王玟陳畱恭王峻范陽愍王矩趙王幹臨邑殤公子上楚王彪剛殤公子勤穀城殤公子乘郟

歷代考 卷四
戴公子整靈殤公子京樊安公均廣宗殤公
子棘東平靈王徽樂靈王茂文帝子九人明
帝贊哀王協北海悼王綏東武陽懷王鑒東
海定王霖元城哀王禮邯鄲懷王邕清河悼
王貢廣平哀王儼黃初七年五月帝崩年四
十歲葬首陽陵

明皇帝名叡文帝太子丁未卽位改元三太和
六青龍四景初三在位十三年葬高平陵皇
子殷蚤夭封安平哀王養子二齊王芳八歲

秦王詢九歲立芳爲太子屬司馬懿曹爽輔
政

齊王名芳明帝無子養芳爲太子宫省事秘莫
知所由或曰任城王楷子庚申卽位改元者
二正始九嘉平五在位十四年時年二十三
淫戲無道司馬師廢之復爲齊王

高貴鄉公名髦文帝孫東海定王霖子初封鄉
縣高貴鄉公少好學夙成齊王廢太后迎而
立之甲戌卽位改元者二正元二甘露四在

歷代考 卷之四
位六年帝年二十忿司馬昭專權甘露五年
夏五月自率殿中左右討之賈充使成濟抽
戈刺帝刃出於背隕車死南闕下

元皇帝名奐初名璜燕王宇子封常道鄉公司
馬昭迎而立之庚辰卽位改元者二景元四
咸熙二在位六年景元四年滅蜀咸熙二年
乙酉十二月晉司馬炎篡位廢爲陳留王時
年十八卽宮於鄴後追謚曰元魏亡

吳

始大帝壬寅建元己酉卽帝位終烏程侯天
紀四年庚子四主凡五十九年共在帝位凡
五十二年晉武帝滅之

大帝姓孫名權字仲謀吳郡富春人孫武之後
父堅少爲縣吏以討黃巾賊爲吳司馬封烏
程侯後起兵討卓爲破虜將軍初平三年討
劉表爲表將黃祖暗射殺之時年三十七五
子策權翊匡少子朗策年方十餘歲就舅吳
景於丹陽從袁術借兵遂復江東封討逆將

軍吳侯建安五年年二十六單騎出遊為許
貢客擊傷卒大帝時年十六為討虜將軍領
會稽太守削平僭竊據有江東建安二十五
年庚子曹丕篡漢辛丑劉先主即帝位壬寅
大帝遂即吳王位建元黃武七年巳酉即皇
帝位與魏蜀三分鼎王改元黃龍三嘉禾六
赤烏十三大元一在位二十三年共前三十
年追尊父堅為武烈皇帝兄策為長沙桓王
姊為全公主子七女三太子登蚤卒建昌侯

慮南陽王和初為太子魯王霸齊王奮景帝
休會稽王亮

會稽王名亮大帝少子壬申即位改元者有三
建興二五鳳二太平二在位六年年十六為
孫綝所廢復黜為會稽王

景皇帝名休大帝第六子初封琅琊王孫綝既
廢亮迎休立之戊寅即位改元永安在位六
年七月崩子四太子暉後封豫章王汝南王
廙梁王璜陳王寇

烏程侯名皓南陽王和子大帝孫初字彭祖受
封烏程侯景帝崩蜀亡吳人欲立長君迎皓
立之甲申八月卽位改元者八元興一甘露
一寶鼎三建衡三鳳凰三天冊一天璽一又
天紀四在位一十七年徙都武昌荒淫暴虐
太康元年庚子五月晉伐之出降封爲歸命
侯五年死於洛陽吳亡

謹按三國起庚子至元順帝至正丁未共
計一千一百四十八年
四卷終

